



Grupa Bal populer
SĒLVA - S. CRISTINA

Gherdëina

nr. 38/29 de setember 2007

LA USC
DI LADINS

Canche Viena chërda vëniel balà

La grupa de bal populer de Sëlva y S.Cristina à passà de bieì dis tla capitela dl'Austria

Lies - Ai 6 de setëmber fòvela inò tan inant: do trüep mënsch de atività cun la grupa se nconfertans dassënn sun chësc viac. Bele daduman abenëura sons pona muc de viers de Viena. Mo dan ruvé tla zità se ons fermà a Zwettl, na pitla zitadina tl Waldviertel, ulache on vijità la «Zwettler Bräuerei», na fabrich dal pier de dimenscions grandes che ti dà scialdi pëis ala cualità de si prudoc. Inant iela pona jita de viers de Viena, ulache l di do ti ons cialà al Museumsquartier y al Stefansdom cunesciù. Da sëira ons maià da cëina sun l A1 Turm, n ciampnil de plu de 130 metri, ulache l restaurant se raidova y nes dajova na ududa spettaculera. L di do ons pona abù l'ucajion de jì a ti cialé ai studi dl ORF che ie dessegur stai una dla cosses plu nteressantes de dut l viac. Domesdi ons vijità l ciastel de Schönbrunn cun si beliscimo parch dai tieres. Chësc parch ie cun si passa 250 ani l plu vedl dl mond. N dumënia do gusté fòvel bele inò ëura de pië de reviers a cësa. Passan tres l Salzkammergut

se ons fermà a Gmunden sun l Traunsee, ulache on marendà y vijità l Schlosshotel Orth. Chësc viac ie stat na beliscima ucajion per udëi na bela zità plëina de cultura y storia, ma nce per sté deberieda. Per chëst ann ons finà

via cun la reprejantazions y ulessan tò chësta ucajion per rengrazië duc chëi che ie unic a cialé pro y duc chëi che sustën inant nosta grupa.

Alexia Demetz



I jëuni y la jëunes dla grupa de bal dan l Schlosshotel Orth.

www.volkstanzgruppe.org

str. Mëisules 146 - I-39048 Wolkenstein (BZ) - Tel. +39 338 4368659 - Fax +39 0471790136 - e-mail: info@volkstanzgruppe.org



Provincia Autonoma de Balsan - Südtirol
Cultura Ladina



Raiffeisen

Cassa Raiffeisen de Sëlva

Raiffeisenkasse Wolkenstein, str. Mëisules 211 - I-39048 Wolkenstein
IBAN: IT 66 T 08238 58890 000300004154 - SWIFT-BIC: RZSBIT21055

Val Gardena

